

خزینہ اوراق

نومبر
۱۵

تاریخ تاسیس
۱ مایس سنہ ۱۲۹۷

جمعہ ابرتسی

عمومی اعتباریہ فنونہ دائر رسالہ ادبیہ در

آیدہ درت کرہ اولدوق جمعہ ابرتسی کونلری چبقار

۸۱ تاریخندہ اصلاح مالیدہ دائر اوقاف ناظری دولتلو
صبحی پاشا حضرتلرینک عتبد شاهانہ تدیم ایلدیکی لایحه در
مشارالید حضرتلرینک بوندن بویله بعض کره آثار نفیسه لریله
خزینہ اوراق تزیین پیوره جقلرینی مع افتخار اعلان ایدرز .

شوکتلو قدرتلو پادشاهمز افندمز ایدہ الله وابقاه

جناب حق بقای وجود شاهانہ لرینی سبب انتظام احوال
ملك وملت پیورسون مورد الهامات ربانیه اولان قلب همایو
نکره خنی دکلدرکه هر بر دولتک ابتدای امرده انعقاد حکومتی
بر کوچک جمعیتک خالصانه اتحادی و اوصاف برگزیده عدل
وانصاف ایله متصف اولان رئیس لرینه کمال تسلیمیت و انقیادی ایله
اوله ککشددر بونلر بولندقلری محله کندی لرینه تبعیت ایدن
عباده پیشنده کمال عفت واستقامتله حرکت ومدافعه اعداده
جملہ سی برهن شجیعانه غیرت ایدرک اعسدرلرینک قلبنه القای
رعب وهراس ایدرلر وزمام اداره حکومتی ید اقتدار ایله

ضبط ایدوب وکافه تبعدرینه نظر شفقت ومرتضاه باقوب
عدل وانصافه رعایتله جلب قلوب عامه ده موفق اولورلر
نه کیم جد بزرگوارلری سلطان (عثمان) غازی حضرتلری
ابتدای ظهورنده بر جماعت قایله ایله اتا طولیده بر کوچک
قطعه ده حکومت ایدر ایکن یاورلر شجاعت و مساعدت عدل
ونصفت ایله اطرافنده دول عظیمه دن تحاشی ایتمه دیرک وعدول
وشجاعتی کندوسنه ایکی معین قوی اتخا ذ ایدرک توسیع دائره
حکومه سعی و ورزش ایدردی. حتی کندولری از نیقده مقیم
ایکن از نیقک بر پنایری کونده دائره صغیره حکومته هم محدود
اولان آل اسفندیار مالکی عسکرندن بر قایج کشی بازاره بیع
وشرا ایچون کلوب اشیا صائن خرسیتانلرله یینلرنده منازعه
اولغله خرسیتانلری ضرب ویدلرندن مایعه ایتمک استدلکری
اشیای غضب ایدوب صاوشمق اوزره ایکن مظلوم خرسیتانلر
جدا مجدکزه شکایت وطلب عدالت ایتملریله دوان آدملری تعیین
وظالملری نزدینه کتوردوب بعد الحاکمه اشیا مفسدوبه دی
اصحابنه رد وظلمه بی حبس ایلدی بو خبر اطرافه شایع
اولدقده جمله بروسه کویلری خرسیتانلری روم پادشاهلرینک
ظلم بیوند رغنی خلع ایدوب جدارشد شهریاریلرینه تبعیت
ایلدیلر. اشته پادشاهم دولت علیه کزک مبدأ سعادت وعظمتی
بو وقعه اولوب اجداد عظامکزدن سلطان (سلیم) خان اول
طاب ثراه حضرتلرینک انتهای زمان سلطنتلرینه دک شهریاران
عدل آیین واحداً بعد واحد بو طرز واسلوب اوزره حرکت
ایدوب جهانگیر اولدیلر و بونجه واسع اولکاک مال وخراجی
مسلم ید اقتدارلری ایکن خزینة همایونکرده حالا موجود اولان

تر کد لرینک ساده لکنه نظر اولند قدده سعادت صحیحه اولان قوت
 واقتدار حکومتی زینت واحتشامه ترجیع ایدوب واردات دولتی
 قوه عسکریه واعمار مملکتده صرف ایدرک محافظه قوانین ونظاماته
 بالنفس نظارت ایدر لر دی حتی خداوند کار مشار الیه
 سلطان (سلیم) خان حضرت لری بلاد شرقیه بی اصلاح و اطاعت
 اجبار ایتکه کتد کلرنده بر شامده اردو خزینده سی توکنبوب دار
 سلطنت لرندن اچده کلنجده یه دک اغشیای تجار دن استقرار اولنمشیدی
 یحوق یکمدین منتظر اولان خزینده اردویه واصل اولمغله اولنان
 استقرار لک اصحابنه ردی امر اولندی اکه زیاده الله جقلو
 اولان و بین الاقران معتبر بولنان بر تاجر اوغلنک سلاک زعمایه
 ادخالی والله جفنک خزینده خدمت اولمق ایچون قبولی استرحام
 ایلدی بونده قائده وار زعیله کوچک سنان پاشا شهریار مغفوره
 عرض وتبایغه جسارت ایتدکه نظامات عسکریه بی بوزمقی
 استرمن وار او آدمک پاره سنی رد ایلله اکر بونی سندن غیر یسی
 سولش اولیدی عقوبت شدید ایلله مجازات ایدردم بیوردیلر
 کوچک سنان پاشا عمده سلطنت اولان رجالدن اولوب مصر
 فتحی کوننده شهید اولدیغنده خداوند کار خلد آشیان مصری
 فتح ایتدک اما سنان کتدی بیوروب اظهار اسف ایتدیلر و
 مصر کی بر خطه عظیمه معادل طوئیلر عهد سلطان
 سلیمانییه کلنجده یه دک جمیع قوانین ونظامات خللدن مصون
 وشوکت وقدرت حکومت افزون ایدی انجیق مؤخرآ رستم
 پاشا خداوند کار مرحوم سلطان سلیمان حضرت لرینه داماد اولوب
 ودولت وسلطنتده کسب نفوذ ایدوب منافع دولته اطاله دست
 طمع ایتلک ایچون ابواب سفاهتی کشاده وسلطان سلیم حضرت لرندن

قلان اصدقای وکلای پر و سیه ایله نظر پادشاهیدن
افتاده ایدرک پیر محمد پاشا کی بز وزیره بیله اجرای غرضه
ودها نیجه مقصدته یول بولمیشیدی وعهد سلیمانیدن مکره
ظهور ایدن مفاسدک تخمی اولوقلرده اکلشیدی خداوندکار
خلد مقام سلطان سلیم خان حضرتلرینک خواجهلری مرحوم
ادریس بدلیسی تکمیل کردستان خطه سنی بلاحرب ضمیمه ممالک
عثمانیه ایدوب انشا ایلدیکی بعض خیراته وقف ایتمک ایچون
شهریار مغفوردن برکوی استدی خواجه افندیکنک خاطری
نزد شاهانه لرده زیاده سیلر مرعی اولدینی جهتله دریغ ایتمیوب
احسان ایتدیلر.

او خلalde پیر محمد پاشا دخی ایتدیکی خدمتله مغرورا وقف
ایتمک قصدیه دیگر برکوی اعطاسنی استدعا ایلدکده خواجهنک
خاطرینه رعایه کوی ویردیکه حالا نادم زیرا بونده اهل
فلاحته ضرر واردر بیوروب اتماسلرینی قبول ایتدیلر سلطان
سلیمان زماننده داماد رستم پاشا درتیوزدن زیاده یقینک ایدندی
سائر ترکهمی صرسته سنده ییخوی تاریخنده ذکر اولنشدن آز زمان
ایچنده بو قدر تغیر ایلدی واولوقت اکیلان تخم فساد سلطان
سلیم ثانی و سلطان مراد ثالث زمانلرنده قوتلی محصول ووروب
جیم نظامات دولت فاسد و متاع صدق واستقامت کاسداولدی
بو حال دور سلطان مراد رابعه کیمتد اولوب پادشاه مشار
الیه اورنک آرای پادشاهی اولدقده زمام حکومتی بالنفس
ید اقتدارلرینه الوب اصلاح احوال ملکیه وعسکریه ورقع
مقالم ومفاسده هزم صحیح ایله مباشرت بیوردقلرنده کوریچدی
قویچیک مرحوم فساد ملکک عقل واسبابی وهر بر عینک

دواسنی مشعر لایحه در تقیم ایدوب اول پادشاه غبور اجراسنه
نصب نفس اهتمام بیوردیلر انجق دفع اشرار واعاده امنیته
موفق اولوب اصلاحات ملکیده زمان حیاتی مساعد اولمیه رق
انتقال ایلدیلر وانلردن صکره حکومت بر خیلی زمان تاسلطان
محمد رابع سن تمیزه ایرشجه بر حال تذبذبده قالمشیدی فقط
او خلalde مسند صدارته انتخاب وتعیین اولنان کوریل
مرحوم محمد پاشا واندن صکره فاضل احد پاشا صادقانه وفدا
کارانه خدمت لر ایدوب اولدقجه اصلاح ملکه موفق اولندی
انجق اول وقتلرده دول شمالیه و غربیه تغییر اصول واعمار
ملکه سعی وغیرت ایدوب بو طرفده اولان تشبثات ایسه علاج
موقت قبیلندن اولمغله بنیه دولته عارض ارلان مرض کلیاً
مندفع اولمیدیندن سلطان احد ثالث حضرتلرینک عهده
سلطنتلرنده نکس ایدرک بنیان دولته یکیدن ضعف کلشیدی
سلطان محمود اول حضرتلری مسند نشین تخت عالیجت عثمانی
اولدقلرنده تدابیر حکیمانه ایله تسکین هلته چاره جو اوله رق
زمان سلطنتلرنده غوائل جدیده ظهور ایتدیکجه حسن تدبیر ایله
دفع ایلدی اندن صکره اولان سوء اداره نیجه فداکارلقلره
سبب اوله رق پک مؤلم ومکدر حالاری نتیجه ویرمکله سلطان
سلیم ثالث تدابیر قویه اتخاذینسه مجبور اوله رق تغییر اصوله
مبادرت وعدم موفقیتله زمان سلطنتی منقضی اولوب سلطان
مصطفی خان جلوس ایلدی وبعده پدر عالی تبارلری خلد
آشیان سلطان محمود خان حضرتلری اورنک زیب سلطنت
اولدقلرنده متخلق اولدقلری حلیه جلیله شجاعت وسجیه
کریمه عقل وکیاستله عنان حکومتی ید مؤید شهریارلیرینه الوب

وجیع مخاطرانه اقتحام ایدوب بر طرفدن تغییر اصوله همت
 و او بر طرفدن اصلاح ملکه مخالفت ایدن اشرارک استیصاله
 غیرت بیوروب عنوان جلیل مجدیده نازل و مالک عثمانیده
 طرف طرف ظهور ایدن متغلبه نك قهر و تدبیرینه شد نطاق
 عزیمت پیورهرق و بعضاً خارجدن ظهور ایدن اعدا ایلله
 اوغراشوب نیجه غوائل و هوائله صدر ثبات و سکینه بی حائل
 ایلدی و بو یولده برچوق تضمینات حربیه و مصارف کثیریه
 دوچار اولمشلر ایکن خزینة دولتی شین دیندن وارسته و دامن
 حکومتی خاروخاشاک متغلبه دن ازاده بیوردیلر حاصلی اعاده
 اسایش حکومته موفقیتله برابر کافه اسباب ترقی و عمار و مدینتک
 ترتیب و تاسیس مقدماتنه جهد عظیم و سعی جمیل بیوروب حیف
 صد حیف که اکمال مقاصد جلیله ایتمزدن اول عازم مقام
 محمود اولدیلر انجق ذات اقدس همایونکر کبی ملک
 و ملته بر خیر خلف ترک اتمکله انلرک فقدانندن حاصل
 اولان خسار و زیانه سلطنت عظمای پادشاهیلرندن
 امید وار اولدیغیز محاسن ملک پروری تضمینه کافی
 اولمقله ملک و سلطنت تلافی مافات ایلدیکی اعتقادی جمله تبعه
 سلطنت پادشاهیلرینه امنیت بخش حصول آمال اولمشدر
 سلطان عبد المجید خان مرحومک اوائل سلطنتلرنده بعض
 غوائلک سهولتله برطرف اولسی و صکره دن ظهور ایدن غائله
 شمالیده دول غربیه نك اتحاد منافعی حرکات حربیه ده اشتراک
 باعث اولهرق غالبیتله ایشه نتیجه ویرلمی احوال آتیه مری
 تأمین ایچون ایجاب ایدن تدابیرله کمال اهمیتله تشبیه پک قیمتلی
 بر فرصت ایکن سوه استعمالده اولان خطیبات یکیدن بر طاقم

غوائلی دعوت ایاسدی بو خطار اعتراف اولمقدجه تلافیسی
قابل اولمز برشینک فسادی ظاهر اولمقدجه اصلاحی ارائلز
ذات شوکتسمات پادشاهیلرینه و سلطنت سنیهلرینه اولان
فداکارانه صدق و عبودیتیم اقتضاسنجه اولا واسطه دور
عبدالمجید خانیدن نهایت سلطنتلرینه دك اداره ملک هر فرد
عنده ظهور ایدن غفلت و خطاری بیاندن صکره اداره حالیه
مزی و اصلاحی نیه متوقف اولدیغنی خاککپای همایون
ملوکانه کزه عرض ایله سلطنت سنیه کزک اوغورنده بودفعه
دخی فداکارانه برخدمتده بولمقلانی سرماییه افتخار عد ایدرم .
قوللری روم ایلی تفتیشنده ایکن عتبه پادشاهیلرینه تقدیمه
مأذون بیورلدیغم اخطارات ناجیرانه مک یالکز برایکی ماده سی
موقع اجرایه قونیلوب اکثریسی بسمانده قالدیغنیک تأسی قلب
عاجزانه مدن زائل اولمز زیرا وقت اسایشده اصلاحات ایله
مشغول اولمق فرضدر زمان آتی لایق بیلیمز و غائله لی وقتلرده
برشی یاییلز بز دائما عکسنه حرکت ایدرز باشمز صقلدیغنی
وقتده محکمدرک نظامی مالیه مک اصلاحی وسائر ایشلری
درمیان ایدرک برچوق وقت مجلسلر عقد ایله اصلاحات سوزینی
ایراد ایدر و نتیجه سنده برایکی مجلس موقت تشکیل بیلیمز
انلره حواله ایلرز انجیق بومقوله ایشلره مرارا باشلنوب
بسمانده قالدیغنی جهتهلر بروقتده اومجلسلرک اوراق قدیمه سنی
تحریری ایله اشتغال ایدرک ونوهوس چوجقئر کبی ینه یکیدن
ایشه باشلیهرق وقتاکه غائله کسب خفت و یاخود کلیک زائل
اولمجه تکرار اول ایشلر بسمانده قالدیرق زمان اسایشی بری
برینک علیمنده ترتیب حیل و دیسایسله فوت ایدوب یکدیگری

عزل ايتديرمك متواليا دور مناصب ايدرلر شويلاه كه هر
بريسي بش الق دفعه بر منصبه كلوب ينه عزلته مترقب اولور
بوذاتلر اكر حسن خدمت ايدم يورلسه عزل اولتاق لازم
كلور و اكر موفق اولدميورلر ايسه تكرار بتكرار نيحون
نصب اولتورلر ؟ (مابعدى وار)

۱

اجراى حق ايچون پكر آدم حكومه
حقدن زياده حكمتى اجرايه سعي ايدر

ميرهندركه ابناي بشر جمعيت خارچنده يشايه ميور .
معيندركه جمعيت داخلنده هيج راحت بولدميور .

انسان هر نه زمان كه وحشت صحرالينك كرم و سرديني
حرمان معيشتى سباعى علنى ايام تنهائى و ليال دهشتنى دوشنور
بالطبع جمعيتى فردوس آباد سعادت حكمنده كورر . انجق هر نه
وقت كه جمعيتى حربى زنجير ظلمى نازه استقبالى ضرورتى
آمالى ملاحظه ايدر . بياغى شهر ايله صحرانك ترجيح
مزينده عاجز قالور .

عجبا ابناي جنمىز بو حيرت آبايه يالكر تحمل مشاق ايچونى
كلشدر ؟ عجبا بو ادوار فلاكتك بر انجامى يوقيدر ؟

حاشا كه فطرت بشرى استعداد كمال ايله خلق ايدن صانع
حكيم او استعدادى عبث يراتمش اولسون . انسان كه مبادى
خلقنده دوش اولديغى عدم آباد هيج واضطرار دن بر درجديه